

Meeqqat atuarfiani digitalimut piorsaanerup taamatullu digitalimik atuinerup immikkut ilinniartitsissutigineqartalernissaat anguniarlugu inatsisissamut siunnersuummik saqqummiusseqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut. Suliamut tassunga atatillugu Naalakkersuisut attavigissavaat Institut for Læring aamma kommunit siunertarlugu UV-mut atortunik naapertuuttunik ineriartortitsinissaq aamma ilinniartitsisut ilinniagaqareersut ilinniaqqissinnaanissaat.

Inatsisartunut ilaasortaq Randi Vestergaard Evaldsen, Demokratit

Pillugu

Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliap

ISUMALIUTISSIISUTAA

Siunnersuutip aappassaanneerpeqarnerani tunniunneqartoq

Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliap suliaqarnermi kingullermi makkuninnga inuttaqarpoq:

Inatsisartunut ilaasortaq Doris J. Jensen, Siumut, siulittaasoq

Inatsisartunut ilaasortaq Mimi Karlsen, Inuit Ataqatigiit, siulittaasup tullia

Inatsisartunut ilaasortaq Laura Táunâjik, Siumut

Inatsisartunut ilaasortaq Nivi Olsen, Demokratit

Inatsisartunut ilaasortaq Sofia Geisler, Inuit Ataqatigiit

UPA2019-imi ulloq 2. maj 2019 siunnersuutip siullermeerlugu oqallisigineqarnerata kingorna siunnersuut ataatsimiititaliamit misissorneqarpoq.

1. Siunnersuutip imarisaa siunertaalu

Meeqqat atuarfiani digitalimut piorsaanerup taamatullu digitalimik atuinerup immikkut ilinniartitsissutigineqartalernissaat anguniarlugu inatsisissamut siunnersuummik saqqummiusseqqullugit Naalakkersuisut peqquneqarnissaannik siunnersuutikkut siunnersuuteqartoq kissaateqarpoq. Tamatumunnga ilanngullugu kissaatigineqarpoq kommunit kiisalu Ilisimatusarfimmi Institut for Læring Naalakkersuisunit attavigineqassasut, piareersaataasumik sulinerup peqataatinneqassasut, suliamut tunngatillugu meeqqat atuarfiini ilinniartitsisut qanoq iliorlutik immikkoortumi piginnaasatik qaffassarsinnaassaneraat fagimi kissaatigineqartumi atuartitsisinnaanngortillugit.

2. Ataatsimiititaliap siunnersuummik suliarinninnera

Silarsuarmi digitalinngoriartuinnartumi nunatsinni meeqqat atuarfiini atuartut piareersarneqarnissaata qulakkeernissaa siunnersuutip siunertaanut ilaliinini aallaqqaasiullugu ataatsimiititaliap kissaatigaa ersersissallugu. Inuit attaveqatigiittarfiisa ineriartornerisigut oqartussani namminersorlutillu inuutissarsiortuni digitalimik aaqqiisarnerit atortussanik pitsaanerusequmik atuinissamut periarfissanik pilersitsipput, kisiannili aamma nutaamik attaveqatigiittarnermik periarfissiillutik. Taamaattumunguna nunap inuusunnerusortaasa utoqqaanernut sanilliullutik digitalimik attaveqatigiittarneq atorumanerusaraat. Inuiaqatigiit akornanni inooqataalernissamut atuartut ilaatigut piareersassallugit atuarfiup siunertaasa ilagaat. Digitalimut piginnaasaqarneq digitalimillu paasinnittaaseq tassani taaneqarput, Naalakkersuisut akissuteqaammi “digitalimut piginnaasaqarneq” ullumikkut siunissamilu pisariaqartoq oqaatigaat.

2.1 Siunnersuutaqqaartoq

Naalakkersuisut atuarfeqarnermi ilinniartitaanermilu aaqqissusseqqillutik suliaralugu aallarteriigaannut inatsisissatut siunnersuut ilaasinnaasoq siunnersuutip toqqammavilersuutaani ersertoq ataatsimiititaliap maluginiarpaat. Siunnersuutilli taasissutissartaani tamanna ersinngilaq, siunnersuutaqqaartoq taamatut isikkoqarluni akuersissutigineqassagaluarpat, kissaatigineqartoq maliinnassanerlugu Naalakkersuisut namminneq aalajangersinnaapput.

Taamatuttaaq siunnersuutaqqaartoq akuerineqassagaluarpat Institut for Læring (Ilisimatusarfik) aamma kommunit UV-mut atortunik naapertuuttunik ineriartortitsinissaq kiisalu ilinniartitsisutut ilinniagaqareersut ilinniaqqissinnaanissaat pillugu siunertaralugu Naalakkersuisunit attavigineqassasut piumasaqaataasoq ataatsimiititaliap paasivaa.

Atuarfik pillugu Inatsisartut inatsisaat nnapertorlugu¹ atuartitsinermi atortussanik inerisaaneq, aamma atuarfimmi ilinniartitsisunik pisortanillu pikkorissartitsisarneq, ilinniartitseqqittarneq ingerlaqqiffiusumillu ilinniartitseqqittarneq Naalakkersuisut pisussaaffigaat. Ataatsimiititaliap naatsorsuutigaa, aallaaviatigut susassaqartut attuumassutillit Naalakkersuisut suleqatiginiarlugit ujartuiffigisagaat, soorlu sumiiffinni sulisitsisut (kommunit) aamma ilisimatusarnermi- (Institut for Læring) (Ilisimatusarfik), atuartitsinermi atortussanik inerisaaneq kiisalu ilinniartitsisutut ilinniagaqareersut ilinniaqqissinnaanissaat pillugu. Pissutsit nalinginnaasuuppata aamma atuarfik pillugu inatsisartut inatsisaat malillugu piumasaqaataaangikkaluarpalluunniit.

2.2 Allannguutissatut siunnersuut

Siunnersuut siullermeerneqarmat Naalakkersuisut allannguutissatut siunnersuummik saqqummiussipput:

¹ Atuarfik pillugu Inatsisartut inatsisaat nr. 15, 3. December 2012-imeersoq, § 36, imm. 1, nr. 3 aamma 4

”Nalilersuilluni misissuinnermut inerisaanermillu suliaqarnermut ”Ilinniartitaanermut ataqatigiissumut eqaatsumullu” atatillugu meeqqat atuarfianni IT-mik, digitalimik atuiluarsinnaanermik aamma digitalimik atuinerup atuartitsinnermut ilaatinneqarnissaanik kiisalu atuartitsissummik immikkoortumik pilersitsisoqarnissaata pissusissamisoortuuneranik misissueqqissaarnermut ilanngunneqarnissaa pillugu Inatsisartut aalajangiiffissaattut siunnersuut.”

Misissueqqissaarnerni aamma ineriartortitsilluni suliani taaneqartuni ersarissarneqartut digitalimik piginnaasat ilinniartitsinnermi perorsaanikkut/ilinniakkatigut isumaliutigineqarneri allannguutissatut siunnersuutip siunertaraa. Siunnersuutaqaartumi perorsaanikkut isumaliutaasut ilanngunneqanngillat.

Tikkuarneqassaaq siunnersuutaqaartumi suliaq ullulerlugu killilerneqanngitsoq, Naalakkersuisut allamut atatillugu aqqissuusseqqinneq pillugu imatut oqaaseqarsimapput:

”Sulilu anguniagaavoq ilinniartitaanernik iluarsaaqqinnissamut atatillugu inassuteqaatinik arlaqartunik Naalakkersuisunut 2019-ip naalernerani tunniussaqaarnissaa.”²

Allannguutissatut siunnersuutip oqaasertalersornera tunngavigalugu naatsorsuutigineqassaaq, misissueqqissaarneq siunnersuutigineqartoq qulaani taaneqartuni inassutigineqartuni siunertaasoq 2019-ip naanerani naammassineqarsimassasoq.

3. Siunnersuutip aningaasatigut kingunerisassai:

Inatsisartut suleriaasaanni § 33 imm. 1-imi takuneqarsinnaavoq, aalajangiussassatut siunnersuutip allaffissornermi aningaasatigullu kingunerisassai siunnersuutip tunngavilersuutaani nassuiaatigineqassasoq.

Ataatsimiititaliamit maluginiarneqarpoq siunnersuutip piviusunngortinneqarnerani aningaasatigut kingunissaritinneqartut siunnersuummut naapertuuttut.

Tamatumunnga allatigut oqaaseqarnissamut ataatsimiititaliamit pissutissaqartinneqanngilaq.

Ataatsimiititaliap paasivaa Naalakkersuisut allannguutissatut siunnersuutaat pillugu, allannguutissatut siunnersuut allaffissornermi aningaasatigullu kingunerisassai paasissutissartaqanngitsut. Tassungali atatillugu oqaatigineqassaaq, taamatut nassuiaateqarnissamut piumasaqaatitaqanngimmat. Inatsisartunut aalajangiinissamut pitsaanerpaanik tunngavissiumalluni tamanna pillugu ataatsimiititaliap allannguutissatut siunnersuutip allaffissornermi aningaasaqarnikkullu kingunerisassai pillugit Naalakkersuisunut apeqqutigisimavai (takuuk **ilannugussaq 1 aamma 2**). Naalakkersuisut akissutaat tunngavigalugu ataatsimiititaliap inernilerpaa, allannguutissatut siunnersuut

² https://naalakkersuisut.gl/kl-GL/Naalakkersuisut/Pisut/2019/05/0605_uddannelsesreform

akuersissutigineqassappat annerusumik aningaasartuutaanissaa Naalakkersuisut naatsorsuutiginnikkaat. Naalakkersuisut akissutaat ataatsimiititaliap tusaatissatut tiguaa.

4. Ataatsimiititaliap inassuteqaatai

Ataatsimiititaliap isumaqatigiittup allannguutissatut siunnersuut akuerineqassasoq inassutigaa.

Taamatut oqaaseqarluni isumaliutissiisummilu allassimasutut paasinnillutik matumuuna siunnersuut ataatsimiititaliap aappassaaniigassanngortippaa.



Doris J. Jensen
Siulittaasoq




Mimi Karlsen
Siulittaasup tullia

PVA: 

Nivi Olsen



Laura Táunâjik



Sofia Geisler



Ilinniartitaanermut, Kultureqarnermut
Ilageeqarnermut Nunanullu Allanut
Naalakkersuisoq
IKIN@nanoq.gl

Ulloq: 07-05-2019

J.nr.: 01.39.01.03-00214

UPA2019/59 pillugu allakkatigut apeqquut

UPA2019/59-ip siullermeerneqarneranut atatillugu Inatsisartut Kultureqarnermut, Ilinniartitaanermut, Ilisimatusarnermut Ilageeqarnermullu ataatsimiititaliamut aappassaaneerpeqannginnerani suliaassanngortippaat. Siullermeerneqarani Naalakkersuisut allannguutissatut imatut saqqummiussippat:

Nalilersuilluni misissuinermit inerisaanermillu suliaqarnermut "Ilinniartitaanermut ataqatigiissumut eqaatsumullu" atatillugu meeqqat atuarianni IT-mik, digitalimik atuilluarsinnaanermik aamma digitalimik atuinerup atuartitsinermit ilaatinneqarnissaanik kiisalu atuartitsissummik immikkoortumik pilersitsisoqarnissaata pissusissamisoortuuneranik misissueqqissaarnermut ilanngunneqarnissaa pillugu Inatsisartut aalajangiiffissaattut siunnersuut.

Ataatsimiititaliap paasivaa, allannguutissatut siunnersuutitut aningaasaqarnikkut aamma allaffissornikkut kingunerisassaata Naalakkersuisut nassuiarsimangikkaat. Inatsisartut Siulittaasoqarfiannit allannguutissatut siunnersuutit kingunerisassaannut nassuiaatit ilusaatigut piomasaaqaataannngillat. Inatsisartulli aalajangiinissaminut naammaginarnerpaamik toqqammavissinniarlugit ataatsimiititaliap Naalakkersuisunut apeqquutit ataani pineqartut akeqquai:

1. Qulaani pineqartut pisortatigut allannguutissatut siunnersuutit aningaasaqarnikkut allaffissornikkullu qanoq annertutigisumik sunniuteqarnissaat Naalakkersuisut ilimagaat?

Ataatsimiititaliap ilisimaarimmagu, ilinniartitaanermi aaqqissuusseqqilluni suliami eqimattanik arlalinnik suleqatigiissunik assigiinngitsunik avataaneersunik suliaqartitsisoqarmat, Naalakkersuisunut ataani pineqartut nalunaajaqquneqarput:

2. Qulaani pineqartut namminersorlutik inuutissarsiortunut allannguutissatut siunnersuutit aningaasaqarnikkut allaffissornikkullu qanoq annertutigisumik sunniuteqarnissaat Naalakkersuisut ilimagaat?

(Ataatsimiititaliap ilimaginngilaa, allannguutissatut siunnersuutip akuerineqarneratigut innuttaasunut ataasiakkaanut toqqaannartumik kinguneqarumaartoq. Taamatut nallilineq Naalakkersuisut isumaqatiginngippassuk qulaani apeqqut pineqartoq akineranut atatillugu tamanna ataatsimiititaliamut paasissutissiissutigeqquneqarpoq.)

Ataatsimiititaliap Naalakkersuisut kalaallisut danskisullu akissutissaata tiginissaa qilanaaraa. Akissutit qarasaasiakkut nassuteqquneqarput uunga ina@ina.gl assilineralu ataatsimiititaliap allattaanut nassiullugu uunga rfr@ina.gl.

Siunnersuutip aappasaaneerneqarnissaa qanittunnguakkut pisussaammat, piaarnerpaamik akineqassasoq ataatsimiititaliap qinnutigaa.

Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliaq sinnerlugu

Inussiarnersumik inuulluaqqusillunga



Doris J. Jensen

Ataatsimiititaliap siulittaasua



Kultureqarnermut, Ilinniartitaanermut, Ilisimatusarnermut Ilageeqarnermullu
ataatsimiititaliaq

Una pillugu: Allaganngorlugit apeqqutit UPA2019/59-imut

09-05-2019
Sagsnr. 2019-9375
Dok. nr. 10726202

Asasakka Kultureqarnermut, Ilinniartitaanermut, Ilisimatusarnermut Ilageeqarnermullu
ataatsimiititaliami ilaasortat.

Postboks 1029
3900 Nuuk
Tlf: +299 34 50 00
Email: ikiin@nanoq.gl
www.nanoq.gl

Qujassutigaaakka ataatsimiititaliap apeqquteqaatai ullormut oqaluuserisassap
UPA2019/59-ip digitalusumik atuilluarsinnaaneq aamma digitalusumik meeqqat
atuarfianni ingerlaaseq pillugit.

Tulliuttunilu apeqqutigineqartut issuartarpakka, apeqqutillu kingornagut
akissuteqarfigisarlugit.

1. Qulaani pineqartut pisortatigut allannguutissatut siunnersuutit aningaasaqarnikkut
allaffissornikkullu qanoq annertutigisumik sunniuteqarnissaat Naalakkersuisut
ilimagaat?

Akissut:

Nalilerneqarpoq allannguutissatut siunnersuut toqqaannartunik aningaasaqarnikkut
aamma allaffissornikkut pisortanut kinguneqassanngitsaq, nalilersuineq
naleqqussarneqarsinnaammat ingerlanneqareersunut nalilersuinermik aamma
ineriartortitsinermik sulianut, "Ilinniartitaanernik aqqissuussinernut ataqatigiissunut
eqaatsunullu". Nalilersuinerlu taamaasilluni ilanngunneqarsinnaavoq suleqatigiissitap
inaarutaasunik suliaani, pilersaarutaasut naapertorlugit 2019-ip naalernerani
naammassineqartussani.

2. Qulaani pineqartut namminersorlutik inuutissarsiortunut allannguutissatut
siunnersuutit aningaasaqarnikkut allaffissornikkullu qanoq annertutigisumik
sunniuteqarnissaat Naalakkersuisut ilimagaat?

Akissut:

Allannguutissatut siunnersuut inuussutissarsiortunut namminersortunut
aningaasaqarnikkut imaluunniit allaffissornikkut toqqaannartunik
kinguneqartussaangilaq.

Nalunaarneqartut ukua isigineqassapput apeqqummut siullermut atatillugu akissummut atasutut, nalilersuinissaq siunnersuutigineqartoq suleqatigiissitap suliaminik inaarsaaneranut ilanngunneqarumaarmat. Tamannalu tunuliaqutaralugu nalilerneqarpoq siunnersuut toqqaannartumik imaluunniit inuussutissarsiortunut allaffissornikkut kinguneqartussaangitsutut, sinniisut ilinniartitaanerit ineriartortinneqarneranni peqataasut eqqarsaatigalugit.

Inussiarnersumik inuulluaqqusilluta
Med venlig hilsen


Ane Lone Bagger